

(امور مالیہ دول محاربہ)

حرب و قتال نہ مقولہ مصائب و اکداری انتاج ایدر و خلقت سعادت
 حال و فراغ بال بحہ نہ تأثراتی اولوز و بویادہ عقلا و حکما نہ دیرلر
 و براز مدخلری اولسی لازم کلان والدہ نہ افکار دہ بولنورلر . بونلردن
 قطع نظر حربک غایت مهم دوشنلہ جک دہا بشقہ بر جہتی اولوب
 بودخی امور مالیہ سیدر . بنا علیہ محاربہ حاضرہ یہ تصدی ایتس
 اولان اوستریا و پروسیا و ایتالیا دولتلرندن ہر برینک مالا درجہ
 قوت و مکتی بروجد آتی مطالعہ و تدقیق قلتور .
 شوزماندہ محاربہ سفاھت لک مصر فلو سیدر دیک اسراف کلامدر .
 حرب ازمنہ قدیمہ دہ حکمدارانجہ اسباب ملاحیدن معدود اولوب
 ادنی وسیلہ ایلہ دشمن اوزرینہ هجوم و غصب و غارتلہ تعیش اولنورایدی .
 حتی برنجی نابولیونک حرب حربی بسار دیدیکی مشہوردر . انجق
 اولخالدہ مغلوب اولان طرف بلا امان علف تیغ تلف اولور و یا خود پنچہ
 اسارتہ دوشرایدی . حرب ظہورندہ والیرودرہ بکری جمع ایدہ یلدکلری
 عسکر ایلہ متبوعلری اولان حکمدارہ التحاق ایدر و بولندقلری
 مملکتی یغما ایلہ عسکرلرینی بسارلرایدی . اوروپادہ عساکر نظامیہ تک
 احد ائندن صکرہ مصارف حربیہ دولت خزینہ سنہ تحمیل اولنوب
 انجق اول زماندہ حکومت مطلقہ اصولی جاری اولد بفتدن غصب

وغارت طریقہ اہالیان انسان اموال ویرکو ورسومات نامیلہ
 اخذو تحصیل اولنورایدی بو وجهله خلق کمال فقر و فلاکتہ دوچار
 و حکمدارلر ایسه حائز دستایه شرف و افتخار اولورلر ایدی
 فرانسه نیک مشهور حکمدارلرندن اون دردنجی لوتینک محاربات
 متوالیه سنده اہالیستندن وقوعبولان تلفاتک حدوحسابی یوقدر
 فرانسه نیک برنجی جمهوریتی زمانندہ دخی حرب تعبیر اولنان اشو
 لعب حکمداران پک مصرفلو ایدی . انگلیزلیکر می بش سنہ ممتد
 اولان محاربه نری اثناستندہ اہالی اوزرینہ طرح و تحصیل اولنان
 ہر درلو ویرکو ورسومات حاصلاتندن بشقہ یوزیتش ملیون کبسہ
 قدر استقراض و صرف ایتمشلدرد . برنجی ناپولیون دخی قاعدہ
 تصرفہ رعایت ایدر ایکن کرک لزوم حقیقیہ و کرک مجرد اجرای
 غرضہ منی مباشرت ایلدیکی محاربات مصارف سنویہ سنی رقتہ رفته
 تقریباً اون ملیون کبسہ یہ ابلاغ ایتشیدی . فقط مشارالہ عسکرینی
 ضبط ایتدیکی بمالک اہالیستہ بستدیرز ایدی . بو احوال غلبہ
 حالتندہ بولندخہ قابل اجرا ایسہدہ تحفظی حالتندہ بولوب کندو
 طوبراغندہ محاربه یہ مجبور اولان دولتہ کورہ ممکن اولامز . بوندن
 قطع نظر غارت اولنان بمالک اجنیہ اہالیستندہ زیادہ نفرت
 و خصومتی داعی اولوب فرصت دوشدکدہ اخذ انتقام ایدرلر .
 ناپولیونک روسیہ سفرندن منہزما عودتندہ شو حالک نہ درجہ
 سؤتایچی کورلیدیکی معلومدر .

فی زماننا ایسہ محاربات مصارفی فوق الغایہ تزايد ایتشدرد . چونکہ
 الیوم اہالی مملکتلرنندہ رفاه ایلہ مألوف اولدقلری جہتلہ عسکرلک
 حالتندہ دخی اسباب رفاه واستراحتلری استحصال اولنقی لازم کلبور .

دشمن مملکتند غصب و غارتله تعیش ایش اصواتک محاذیری
 کورلدیکی جهته بالکایه ترک اولندی. برده آلات و ادوات حریره
 زیاده اصلاح اولندیجی جهته بونلرک تدارک واستعمالی کلی مصارفه
 متوقفدر. حرکات عسکریه مصارفی دخی خیلی ترقی ایلدی. شهیدی
 بر طوب کلسی بوندن اون سنه اولکندن درت قات زیاده منزل
 الدیخی مثلاًو نشانه دخی دهها ایا اصابت ایدر. فقط هر آتشی
 اولکندن اوج درت قات زیاده مصارفه محتاجدر. بوندن الی سنه
 مقدم بر فرقتن اون بیک کبسه ایله حصولد بر اولوب انجق بونلر
 الیوم هیچ ایشیه برامز. بونک مقسامته قائم اولان زرهلو سفاتی
 جسامته کوره التمش بیکدن یوز بیک کبسه یه قدر مصارفه وجوده
 کاور. ممالک مجتمعه امریکا جاهیر شمالیه سی درت سندن از ممتد اولان
 محاربه لری اثناسنده هر درلو ویرک و ورسومات ایسکی اوج قات
 ایلدکدن و مجددا بر طاقم تکالیف طرح و تحصیل اولدقدن بشقه
 تقریباً یوز قرق ملیون دیونه گرفتار اولدی. بونک خصمی اولان
 جنوب لورک دخی مصارف واقعه لری بشقه اولوب انلرایسه بالکایه
 خراب اولش لردر ۱۸۵۹ سنه میلادیه سنده فرانسه دولتشک
 ساردینیا ایله بالاتفاق اوستریا دولتی علیهنده وقوعبولوب بالکز
 بر قاج هفته ممتد اولان محاربه ده دولت مشارالیهانک مصارف
 واقعه سنی بش ملیون کبسه یه بالغ اولوب ساردینیا لورک مصارف
 حریره لری ایسه بو حساب داخل دکلدر. اون سکر مام ممتد اولان
 قریم محاربه سنده دخی فرانسه دولتی مخصوصات سنویه حریره سنی
 امکان مساعد اولدیجی مرتبه تزید ایتدکدن بشقه اون بش ملیون
 کبسه استقراض ایلدی.

دول محاربه نك تداركات كليده زينه نظر اهر بر يچون از وقت
ظرفنده سكر اون مليون كسه اخفه لازم اوله جقدر . بونك تداركچون
ايكي طريق اولوب بريسي اهالي اوزرينه زياده ويركو طرح ايتك
وديكري استقراض ايتكدر . اوسترياده ويركونهايت درجهيه
بالغ اولمش اولديغندن تكاليف موجوده نك تزيبدي ممكن دكلدر .
ايتالياده ويركويه ضمي متصور اولان مقدار ايسه مطلوب اولان
اخفه نك انجق بر ريعنه مساوي اوله بيلوز . بو صورته ايكسك دخی
استقراضه مجبوريني دركادر . استقراض دولتره كوره اخفه
تداركي ايجون اسهل طرق اولوب اهاليك در حال سزائملاريني
موجب اولمز . فقط دول مشارالهمك اوچي دخی خارجدن استقراض
ايدة بطلاري جاي اشتباهدر . پروسباتك امور ماليه سي شمديك پك
ايو حالده اولديغندن بالغ كليده استقراضه مقتدر ايسده اوستريا
وايتاليابه كوره استقراض عقدي ناقابل كورينور . چونكه بو ايكي
دوات ممالكنده اوراق نقديه استعمالی اصولی جاری اولوب بو حالده
ايسه خارجدن اخفه استقراضی پك مشكلدر بو صورته اخفه نك
داخل ممالكنده تداركي لازم كلور . فقط كرك اوسترياده وكرك
ايتالياده اهاليده پك اقتدار قالماش اولديغندن انلردن چوق شي
استحصالی ممكن اوله مز بنأ عليه دولتين مشارالهمانصارف حرييدر نك
تسويه سيجونينه اوراق نقديه چيقارمقدن بشقه چاره بوله مز ز .
اوراق نقديه ايسه اعتبار ماليسي قالماش دولترك اعتبار تداركچون
استعمال ايتككري برآلت اولوب بو طريق ايله اهالي حسن ايتيمدر ك
وهيج دكل ايسه رد ايدهميه رك انلردن اخفه استقراض اولنور . فقط
اشبوتدير وسائط اعتبارك مضريدر . اوراق نقديه مسكوكات ايله

باشه باس تد اولدن دوشدیدیکی حالده رفاه اها ایجه زیاده سوتا بیری
 کور بلور . شوله که ارباب اخذ و اعطایو کون الرنده بولنان سرمایه نک یارین
 به مقداره تنزل ایده جکئی و اعطاسنی تعهد اید کلر مالک بدلی اوله رق
 الرینه نه کجه جکئی بیله میوب بو کیفیت هر کسک امنیتی سلب ایله
 معاملات ناسی تصعیب و منع ثروت اولان سعی و عملی تعطیل ایدر .
 اوراق نقدیه واردات دولتی دخی تقلیل ایدوب چونکه دولت ویرکو
 وز سوماتی اولوجهله قیمتدن ساقط اولان اوراق نقدیه ایله استیفا
 ایده جکندن مثلاً اوراق نقدیه یاری قیمتده تنزل ایتدیکی حالده
 دولت اولکی وارداتنک نصفه دسترس اولش اولور . اوستریا
 و ایتالیا دولتری محاربه حاضره مصارفنک تسویه سنه کافی اوله جق
 مقدار اوراق نقدیه چقاردقلری حالده بونک سوتا اثراتی
 نه درجه له واصل اوله جخی بالسبب تصوره تصور اولنور موادندرن
 اوستریا ده مسئله حاضره نک ظهورندن مقدم اوراق نقدیه ایله
 مسکوکات بیلنده پک از فرق اولدیغی حالده تدارکات حربیه به
 باشلانقدنه قوائم یوزده یکریمی تنزل ایتشیدی . الیوم محاربه به
 شروع اولندیغی جهتهله دولت بالطبع اوراق نقدیه نک مقدار بقی
 تزید ایده جکندن قیمتی دهها زیاده تنی ایدوب محاربه بر از وقت
 تمتد اولدیغی حالده یوزده الی الشمس و بلکه دهها زیاده غایب
 ایده جکی مجزومدر . بو صورتهه مثلاً یوز میلیون قوائم اوتوز
 قرق میلیون مسکوکات حکمنده دیمک اولور . ایتالیا دولتنک حالی
 دخی یمایله اوستریا کی اولوب اکاکوره استقرار ایتک اوستریادن
 دهها مشکلدنر . بنا علیه اودخی الیوم جبراً تد اول ایتدیردیکی بانقه
 اوراقنک تزیدینه مجبوردر . محاربه به باشلانقدن برنجی ترتیب

اولیٰ اوزرہ ایکی یوز الی ملیونلیق اوراق چیقاریله جغنی اعلان
اولنوب بومقدار هنوز کاملاً تداوله وضع اولنسامشیکن قییتی یوزده
اونه تنزل ایدوب براوقدردها چیقارلدیغنی حالده کیم ییلور
ته درجه اعتباردن ساقط اولور. اشته اوراق نقدیه تک مقداری
ترقی ایتدیکجه قییتی او نسبتله تدنی ایدر و واردات دولت حساب
اولنسان مقدارک نصفنه و بلکه ثلثنه تنزل ایدر اولخالده محاربیه
فصل دوام اولنه ییلور. هله حالک پک مشکل اوله جغنی درکاردر.
(منیف)

(چنبرلی طاش)

چنبرلی طاشک اصل اسمی ستون قسطنطنین اولوب اطرافنده تیموردن
چنبرل اولسی جهتیله ترکیه چنبرلی طاش تسمیه اولنمشدر. اطرافنده
بالدفاعات وقوعبولان حر یقلردن ناشی سیاهلندیغنی مناسبیتیه بو
طرفلرده ممکن اوروپا لور یاغش دیرک دیرلر. روم دولتی زماننده
دخی سماقی دیرک تسمیه اولنورایدی.

برنجی قسطنطنین اولوقت (ویزانتیون) تسمیه اولنسان استانبولی پایتخت
اتخاذ ایتدکده بونی تزیین ایچون اوروپا و آسیا شهرلرندن برطالع
اثار صنایعه جلب ایلدیکی صرده اشبو چنبرلی طاش دخی میلادک
اوجوز سنه سنده رومادن نقل اولنمش و چاتلادی قیودن ادخال ایلله
الی کون ظرفنده الیوم بولندیغنی محله رکز واقامه قلمشدر.

اشبو ستون دیکلی طاش کبی یکباره اولیبوب سکن قطعده قزل
سماقی طاشدن مر کیدر. قطععات مذکورده دن هر یکنک محیطی